



Parlamentarni vojni povjerenik BiH primio u nastupnu posjetu vojnog atašea Ruske Federacije u BiH (6.12.2016.)

Parlamentarni vojni povjerenik BiH Boško Šiljegović primio je 6.12.2016. u nastupnu posjetu vojnog atašea Ruske Federacije u Bosni i Hercegovini brigadira Ilyu Skrebneva.

Parlamentarni vojni povjerenik BiH upoznao je vojnog atašea s načinima primjene zakonskih propisa kojom je institucionaliziran sistem zaštite ljudskih prava i osnovnih sloboda vojnih lica i kadeta u Oružanim snagama Bosne i Hercegovine (OSBiH), kao i s najčešćim primjerima i oblastima kršenja osnovnih ljudskih prava uniformiranih lica u OSBiH.

Brigadir Skrebnev ocijenio je da se bosanskohercegovački model zaštite ljudskih prava i sloboda vojnih lica i kadeta u OSBiH pokazao funkcionalnim, te dao podršku dosadašnjem radu Ureda parlamentarnog vojnog povjerenika BiH. Brigadir Skrebnev afirmativno se osvrnuo i na dosadašnji angažman profesionalnih vojnih lica na terenu, te ocijenio da su se pripadnici OSBiH dokazali kao izuzetno sposobni kadrovi u izvršavanju svakodnevnih zadataka.

Vojni povjerenik i brigadir Skrebnev saglasili su se o tome da postoji visok stepen operativnosti profesionalnih vojnih lica i kadeta u OSBiH, što je rezultiralo značajnim uspjesima pripadnika OSBiH u pružanju pomoći civilnom stanovništvu, kao i u misijama zaštite mira u svijetu.